



08. marts 2012

UPA 2012/119

Inatsisartut Suleriaasianni § 36 naapertorlugu oqallisissiaq imaattoq matumuuna saq-qummi-uppara:

**Meeqqat atuarianni inuusuttut immikkut annertusisamik atuartitaasimasut atua-run-naarnerup kingorna suliniuteqarfigineqarnerat pillugu apeqquteqaat aallaa-vigalugu oqallisissiaq.**

(Inatsisartunut ilaasortaq Debora Kleist, Inuit Ataqatigiit)

**Tungavilersuut:**

Meeqqanut inuusuttunullu periusissiaq oktober 2011-imi Inatsisartut ataatsimiineranni saqqummiunneqarpoq, tassanilu meeqqat inuusutullu toqqissimasumik ineriartor-nissaminut periarfissinneqassasut pingaartinneqarpoq.

Periusissiami ersarinnerusumik immikkut annertusisamik atuartitaasimasut, atuarunnaarnerup kingorna pilersaaruserfigineqarnerat pillugu suliniutaasussanik ujartuivunga.

Meeqqat inuusuttullu immikkut pisariaqartitsinertik tungavigalu atuartitaasimasut Meeqqat atuariat qimakkaangamikku naammassigaangamikku ullumikkut annertunerusumik periarfissaqarnej ajorput. Tassami nalunngisatsituut ilarpasui atuariimmi misilitsinnissaminut angummassimanginnertik pissutigalugu Piareersarfimmut isersinnaaneq ajorput. Taamaassilutik ajuusaarnaraluartumik ”katataaginnartut” inissittarput, naak allatigut pikkoriffeqaraluartut.

Nunarput tamakkerlugu ilisimaneqarnerpa inuusuttut immikkut pisariaqartitsisut Meeqqat atuarfia qimakkaangamikku inuiaqatigiinni qanoq inissisimansut? Qanorlu kommune-minni periarfissaqartinneqarnerpat?

Naalakkersuisut qanoq inuusuttut immikkut pisariaqartitsisut eqqarsaatigalugit suliniuteqarnerpat?

Siunissami Naalakkersuisut inatsisitigut ”ungdomsuddannelse”-mik taaguutilimmik aallar-tissalutik inuusuttunut immikkut pisariaqartitsisunut pilersaaruteqarnerpat?

Piareersarfiit aqutigalugit pineqartut sulisinnaangortinnissaanut iliuusissanik Naalakkersuisut eqqarsaatersuuteqarsinnaanerpat?